

玉

海

九

玉海卷第十六

後儀王應麟伯厚甫雲

地理

異域圖書

漢別國方言

唐志小學類揚雄十三卷

隋志同郭璞注

風俗通

義曰爲政之要辨風正俗最其上也周秦常以歲八

月遣輔軒之使求

一作采

異代方言還奏籍之藏於祕

室及嬴氏之亾遺脫無見之者蜀人嚴君平有千餘
言林閭翁孺才有梗概之法揚雄好之天下孝廉衛

王澐卷十六
卒交會周章質問以次注續二十七年爾乃治正凡
九千字其所發明猶未若爾雅之閎麗也張竦以爲
垂諸日月不刊之書 晁氏志方言十三卷雄齋油
素問上計孝廉異語悉集之題其首曰輜軒使者絕
代語釋別國方言 書目十四卷題輜軒使者絕代
語釋別國方言劉歆與雄書取方言及雄荅皆云十
五卷今本疑有亾軼 雄爲郎一歲作繡補靈節龍
骨之銘詩三章及天下上計孝廉雄問異語紀十五
卷積二十七年成帝時劉子駿與雄書曰聞子雲獨
採集先代絕言異國殊語爲十五卷非澹雅之才沈

鬱之思不能經年銳精以成此書雄荅書曰常聞先
代輔軒之使秦籍之書皆藏於周秦之室蜀人有嚴
君平臨邛林閭翁孺者深好訓詁 郭璞序三五之
篇著而獨鑒之功顯不出戶庭而坐照四表不勞疇
咨而物來能名考九服之逸言標六代之絕語真洽
見之奇書不刊之碩記也 選注引揚雄蜀王本紀
曰蜀之先名曰蠶叢柏漢魚鳧開明是時人民椎髻
左言 張衡傳注引方言荀子注引方言 子雲精
於小學多見先秦古書故方言多識奇字太玄多奇
語 本傳及藝文志無方言 後魏書劉昶字延明

著方言三卷

漢異物志

隋志東方朔十洲記一卷

唐志神仙家文選注引之

神異經一卷

張華注

後漢文選注引之

後漢議郎楊孚撰異物志

一卷

一云交州異物志唐志同

吳萬震南州異物志一卷

選江賦注

引之東哲撰發蒙記一卷載物產之異朱應扶南異物

志一卷張騫出關志一卷涼州異物志一卷許善心

撰方物志二十卷

大業四年奏之

唐志沈瑩臨海水土異

物志

選注引之

陳祈暢異物志各一卷京兆郡方物志二

十卷諸郡土俗物產記十九卷房千里南方異物志

孟瑄嶺南異物志各一卷劉恂嶺表錄異三卷 武

紀元鼎六年珠厓儋耳張晏曰異物志二郡在海中

晉書續咸著遠游志異物志皆十卷 唐志沈懷

遠南越志五卷 書目南越志五卷宋沈懷遠載三

代至晉南越疆域事蹟 選注引異物志南越志

蜀都賦注引譙周異物志水經注引楊氏南裔異物

志

漢匈奴地圖

南匈奴傳建武二十二年右奧鞬日逐王比密遣漢
人郭衡奉匈奴地圖二十三年詣河西太守求內附

漢中興四夷國俗風土

後東夷傳序自中興之後四夷來賓雖有乖畔而使
驛不絕故國俗風土可得略記凡蠻夷戎狄總名四
夷猶公侯伯子男皆號諸侯 南蠻傳論漢氏征伐
戎狄文約所沾風聲所流幾將日所出入處著自山
經水志者亦略及焉 西域傳論西域風土之載前
古未聞漢世張騫懷致遠之略班超奮封侯之志
東夷 夫餘挹婁高句驪句驪一名貊東沃沮濊韓馬

辰弁倭

南蠻

巴郡南郡蠻板楯蠻夷

西南夷

夜郎滇

王哀牢夷邛都夷柰都夷冉驪夷白馬氏

西羌

爰劍

滇良麻奴湟中月氏胡西域拘彌于滇西夜安息大

秦大川氏天竺東離栗弋奄蔡莎車疏勒蒲類東且

彌車師前王

南匈奴

烏桓

鮮卑

晉華陽國志

書目十卷晉散騎常侍常璩撰志巴漢風俗并公孫

述以後據蜀事

元豐閒呂大防爲敘云蜀記之可

觀未有過此

蜀記三卷唐鄭緯載建蜀之因及人

物古跡

漢地理志注牂柯引華陽國志

隋志常

寬蜀志一卷

宋武北征記

隋志一卷戴氏撰

梁方國使圖 職貢圖

裴子野傳武帝時西北遠邊有白題及滑國遣使由
岷山道人貢子野曰漢潁陰侯斬胡白題將一人服
虔注云胡名也又漢定遠侯擊虜入滑此其後乎時
人服其博識敕使撰方國使圖廣述懷來之盛自要
服至海表凡二十國 梁元帝職貢圖序曰甘泉寫
闕氏之形後宮玩單于之圖贊曰北通玄菟南漸朱
鵞詳見內附類 後漢東夷傳文選注引外國圖水
經注亦引之 又見通典 南史滑國車師別種漢永

建元年八滑從班勇擊北虜有功勇上八滑爲後部
親漢侯梁天監十五年始遣使獻方物普通元年三
月滑國遣使獻黃師白貂裘波斯錦三年八月甲子
白題國遣使朝貢七年大同元年三月辛未滑國朝
貢七年又朝貢

隋西域圖記

裴矩傳大業二年西域諸國至張掖交市令矩護視
乃訪諸商胡國俗山川險易撰西域圖記三卷合四
十四國別造地圖凡爲三道北道起伊吾中道起高
昌南道起鄯善于闐總湊端煌還奏之三年矩說高

昌伊吾等入朝後破吐谷渾拓地數千里志三卷

唐志西域道里記三卷諸蕃國記十七卷失姓方物

志二十卷見上史記正義云西域圖記鉢汗古渠搜

也唐志裴矩高麗風俗一卷

唐西域記

志見後書目十二卷貞觀中玄奘譯辨機撰玄奘

徧歷西域一百三十八國因記其山川聚落風俗古

跡之詳一云玄奘所歷一百一十國傳聞二十八國

山川風俗釋氏事迹皆錄

志地理有王元策中天

竺國行記十卷程士章西域道里記三卷韋弘機西

征記

卷

達奚通海南諸蕃行記一卷

書目云西南海

諸蕃行記一卷

唐上元中

唐州刺史達奚弘通撰

通以大理司直使海外自赤土至虔州凡經三十六

國略載其事

北史後魏董琬等出鄯善招撫九國來貢獻者十六

國琬等使還言西域自漢武時五十餘國後稍相并

至太延中爲十六國分其地爲四域

小渠長蓋以百數

出西

域本有二道後更爲四出

唐高麗封域圖

高麗傳太宗己禽突厥頡利建武遣使者賀并上封

域圖書帝曰高麗地止四郡隋末高建武嗣王
賈言志曰高麗祕記曰不及九百年當有八十大將
滅之

唐貞觀方物錄

貞觀二十一年三月十一日詔以遠夷各貢方物其
草木雜物有異常者所司其詳錄焉按會要如葉
護之蒲萄康國之金桃伽國之鬱金香伽羅之鉢羅
花達國之佛土菜皆奇物也至如環玉之大珠于闐
之寶帶吐蕃之金鵝高昌之錯刀又會要所不載者
詳見

朝貢

書曰有唐夷狄貢一卷始於北突厥終於師

子國而以雜記附焉並唐貞觀以來諸國貢獻等事

唐西域圖志

志西域圖志六十卷西域平高宗遣使分往康國吐
火羅訪其風俗物產畫圖以聞詔史官撰次許敬宗
領之顯慶三年上 會要顯慶三年五月九日以西
域平遣使分往康國吐火羅國等訪風俗物產及古
今廢置畫圖以進令史官撰西域圖志書成學者稱
其博西域傳同龍朔元年六月十七日吐火羅道置州縣
使王名遠進西域圖記并請以十六國分置都督府
州縣開元中安西都護蓋嘉惠撰西域記 志釋氏

類玄奘大唐西域記十二卷辨機西域記十二卷

見上

地理志天寶中元宗問蕃國遠近王忠嗣以西域

圖對纔十數國

見後

通典鄜元注水經河之發源引

禹記山經釋法明遊天竺記釋氏西域記

唐西域圖

會要天寶六載四月二十五日上問諸蕃諸國遠近

鴻臚卿王忠嗣上言曰謹按西域圖

云云

自陀拔恩

單國至史國凡十有二

陀拔恩單羅刹支都槃勃達

河沒政蘭涅滿沙蘭石國罽賓東米史國

魏志云白虞暨周西戎有白環之獻東夷有肅慎之

貢皆曠世而至及漢遣張騫使西域窮河源經歷諸國置都護以總領之然後西域之事具存史官得詳載焉 張騫至大宛大月氏大夏康居而傳聞其旁大國五六具爲天子言其地形所有語皆在西域傳吏士爭言外國奇怪

唐西陲要略 西戎記

志兵書類范傳正西陲要略三卷韋臯開復西南夷舊紀事狀十七卷會要云十卷正元十作蠻紀四年十一月己未進雜傳記類

裴肅平戎記五卷李德裕西蕃會盟記三卷西戎記二卷 舊史范傳正遊西邊著西陲要略三卷 舊

紀貞元十四年十一月己未韋臯進開西南蠻事狀
十卷敘開復南詔之由

唐南詔地圖

南詔傳貞元十年六月雲南王異牟尋獻地圖方物
請復號南詔 西域傳貞觀二十二年東天竺王送
牛馬餽軍迎沒路國獻異物并上地圖請老子象

唐西極圖

元稹進西北邊圖狀臣先畫聖唐西極圖三面草本
並畢於思政殿奉旨云諸家所進河隴圖勘驗皆有
差異并檢尋近日烽鎮城堡不得令臣所畫稍須精